

Profil Para Pengarah



Y Bhg Tan Sri Azman Hashim

Pengerusi Bukan Bebas Bukan Eksekutif

Y Bhg Tan Sri Azman Hashim, warga Malaysia berusia 71 tahun, dilantik menganggotai Lembaga Pengarah AMMB Holdings Berhad pada 15 Ogos 1991 dan menjadi Pengerusi Syarikat sejak 1991. Beliau merupakan Pengerusi Bukan Bebas Bukan Eksekutif Syarikat. Beliau berkhidmat sebagai ahli Jawatankuasa Pencalonan Kumpulan dan Jawatankuasa Imbuan Syarikat.

Beliau turut menjadi Pengerusi Lembaga Pengarah dalam beberapa syarikat subsidiari AMMB Holdings Berhad, iaitu AmInvestment Group Berhad, AMFB Holdings Berhad, AmBank (M) Berhad, AmInvestment Bank Berhad, AmIslamic Bank Berhad, AmProperty Trust Management Berhad, AmG Insurance Berhad dan AmLife Insurance Berhad.

Tan Sri Azman, seorang Akauntan Berkanun ("FCPA"), Fellow dalam Institut Akauntan Berkanun dan Fellow dalam Institut Setiausaha dan Pentadbir

Berkanun, berkecimpung dalam industri perbankan sejak 1960 ketika beliau menyertai Bank Negara Malaysia dan berkhidmat di sana hingga 1964. Beliau menyertai Azman Wong Salleh and Co. sebagai Akauntan Berkanun dari 1964 hingga 1971. Kemudian beliau menganggotai Lembaga Pengarah Malayan Banking Berhad dari 1966 hingga 1980 dan merupakan Pengarah Eksekutifnya dari 1971 hingga 1980. Beliau dilantik sebagai Pengerusi Eksekutif Kwong Yik Bank Berhad, syarikat subsidiari Malayan Banking Berhad, dari 1980 hingga April 1982 apabila beliau memperoleh AmInvestment Bank Berhad.

Tan Sri Azman ialah Pengerusi Eksekutif Amcorp Group Berhad dan RCE Capital Berhad dan Pengerusi bagi Malaysian South-South Corporation Berhad dan MCM Technologies Berhad, Islamic Banking and Finance Institute Malaysia Sdn Bhd serta Institut Jurubank Malaysia. Beliau

menganggotai Lembaga Pembangunan MasMelayu Berhad dan Asian Institute of Finance Berhad. Tan Sri Azman juga terlibat dalam beberapa organisasi amal sebagai Pengerusi di Yayasan AmGroup, ECM Libra Foundation dan Perdana Leadership Foundation, serta merupakan Pemegang Amanah bagi Yayasan Azman Hashim, Yayasan Perpaduan Nasional, Yayasan Hepar Malaysia, Yayasan Tuanku Najihah, Yayasan Canselor Open University Malaysia dan Yayasan Wakaf Malaysia.

Tan Sri Azman adalah Pengerusi Persatuan Bank-Bank Pelaburan Malaysia dan Perbadanan Produktiviti Malaysia. Beliau juga berkhidmat sebagai Pengerusi Emeritus bagi Majlis Ekonomi Lembangan Pasifik ("PBEC") Antarabangsa dan Pengerusi Bersama Malaysia-Singapura Roundtable. Beliau adalah Presiden Persatuan Selatan-Selatan Malaysia, Persatuan Ekonomi Malaysia-Jepun, Kelab SAHABAT Penjara Malaysia dan Majlis Perniagaan Pergerakan Negara-Negara Berkecuali ("NAM") serta Bendahari Yayasan Malaysia-Australia.

Beliau turut menganggotai Majlis Penasihat Perniagaan APEC, Majlis Perniagaan Asia Timur, Suruhanjaya Trilateral (Kumpulan Asia-Pasifik), Majlis Perniagaan Malaysia-British dan Majlis Perniagaan Malaysia-Cina, dan Majlis Penasihat Perniagaan Suruhanjaya Ekonomi dan Sosial Pertubuhan Bangsa-Bangsa Bersatu bagi rantau Asia dan Pasifik ("UNESCAP"). Beliau juga merupakan Ketua Mesyuarat Perniagaan ASEAN- Jepun (Jawatankuasa Malaysia, Keizai Doyukai) dan merupakan ahli Lembaga Penasihat Pusat AIM bagi Tanggungjawab Sosial Korporat. Beliau juga Pro-Canselor, Open University of Malaysia dan Badan Pentadbir bagi Organisasi Produktiviti Asia, serta Panel Penasihat Antarabangsa, Pusat Antarabangsa Bank Negara Malaysia bagi Pengajian dalam Kewangan Islam ("INCEIF").



Y Bhg Dato' Azlan Hashim

Timbalan Pengerusi Bukan Bebas Bukan Eksekutif

Y Bhg Dato' Azlan Hashim, warga Malaysia berusia 68 tahun dan menganggotai Lembaga Pengarah AMMB Holdings Berhad sejak 12 Februari 1992 sekaligus menyandang jawatan Timbalan Pengerusi Syarikat pada tahun sama. Beliau juga berkhidmat sebagai Pengerusi Jawatankuasa Teknologi Maklumat Kumpulan dan ahli Jawatankuasa Audit dan Pemeriksaan Syarikat.

Pada masa ini, Dato' Azlan berkhidmat sebagai Pengerusi Bukan Eksekutif AmFraser International Pte Ltd, AmFraser Securities Pte Ltd, AmInternational (L) Ltd, PT. AmCapital Indonesia, Am Ara REIT Holdings Sdn Bhd dan Am Ara REIT Managers Sdn Bhd. Beliau juga Pengerusi Eksekutif Global Carriers Berhad. Beliau turut menganggotai Lembaga Pengarah Metrod (M) Berhad, Paramount Corporation Berhad, Sapura Industrial Berhad, Kesas Holdings Berhad, Kumpulan Perangsang

Selangor Berhad, Syarikat Permodalan & Perusahaan Selangor Berhad, Global Carriers Berhad dan Kumpulan Hartanah Selangor Berhad. Beliau juga merupakan Pemegang Amanah Yayasan AmGroup.

Dato' Azlan berkhidmat dengan Keretapi Tanah Melayu dari 1966 hingga 1971 sebagai Ketua Akauntan selama dua tahun. Pada tahun 1972, beliau menjadi rakan kongsi dalam firma perakaunan awam, Azman Wong Salleh & Co., dan merupakan rakan kongsi kanan di firma ini sebelum menganggotai Lembaga Pengarah AMDB Berhad dari 1982 hingga Julai 2007.

Dato' Azlan merupakan Fellow di Institut Akauntan Berkanun (Ireland), Institut Pembangunan Ekonomi, Bank Dunia di Washington D.C., USA dan Institut Jurubank Malaysia. Beliau juga seorang Akauntan Awam Bertauliah.



Y A Bhg Tun Mohammed Hanif Omar

Pengarah Kanan Bebas Bukan Eksekutif

Y A Bhg Tun Mohammed Hanif Omar, warga Malaysia berusia 71 tahun, dilantik menganggotai Lembaga Pengarah AMMB Holdings Berhad pada 6 Mei 1994 dan merupakan Pengarah Kanan Bebas Bukan Eksekutif Syarikat. Beliau adalah Pengerusi Jawatankuasa Pencalonan Syarikat.

Beliau juga anggota Lembaga Pengarah bagi syarikat subsidiari Syarikat, iaitu AMFB Holdings Berhad, AmBank (M) Berhad, AmIslamic Bank Berhad dan AmInvestment Bank Berhad. Beliau turut berkhidmat sebagai Pengerusi Bukan Eksekutif General Corporation Berhad

dan Timbalan Pengerusi Genting Berhad dan Genting Malaysia Berhad. Beliau merupakan Presiden Institut Pengurusan Malaysia sejak 2001. Beliau berkhidmat sebagai Ketua Polis Negara selama 20 tahun sehingga persaraannya pada Januari 1994.

Beliau memegang ijazah Sarjana Muda Sastera dari University of Malaya, Singapura pada 1959, memperoleh LLB (Kepujian) dari Buckingham University, United Kingdom pada 1986 dan memperoleh Sijil Pengamal Undang-undang (Kepujian) dari Lembaga Kelayakan Undang-undang pada 1987.

Profil Para Pengarah

Y Bhg Tan Sri Datuk Dr Aris Othman

Pengarah Bebas Bukan Eksekutif

Y Bhg Tan Sri Datuk Dr Aris Othman, warga Malaysia berusia 65 tahun, dilantik menganggotai Lembaga Pengarah AMMB Holdings Berhad pada 1 April 2004. Beliau bertugas sebagai Pengerusi Jawatankuasa Audit dan Pemeriksaan Syarikat, dan turut menganggotai Jawatankuasa Pencalonan Kumpulan, Jawatankuasa Imbuhan Kumpulan dan Jawatankuasa Pengurusan Risiko Kumpulan.

Tan Sri Datuk Dr Aris juga ahli Lembaga Pengarah subsidiari Syarikat iaitu AmlInvestment Bank Berhad. Beliau juga berkhidmat sebagai Pengerusi Malaysia Airports Holdings Berhad serta Pengarah di YTL Power International Berhad.

Tan Sri Datuk Dr Aris menyandang pelbagai jawatan di Unit Perancangan Ekonomi, Jabatan Perdana Menteri dari tahun 1966 hingga 1986. Beliau kemudian ditugaskan di Bank Bumiputra Malaysia Berhad, Kuala Lumpur sebagai Ketua Pengurus Besar (Perancangan Korporat,

Perbendaharaan dan Sumber Manusia) dari tahun 1986 hingga 1989. Dari tahun 1989 hingga 1999, Tan Sri Datuk Dr Aris berkhidmat di Kementerian Kewangan dan menyandang jawatan Pengarah Eksekutif Bank Dunia (Kumpulan Asia Tenggara) dari 1991 hingga 1994 dan Setiausaha Agung Perbendaharaan dari 1998 hingga pertengahan 1999. Kerjaya beliau dalam bidang perbankan menyusul apabila beliau menyandang jawatan Pengerusi Eksekutif dan Pengarah Urusan/Ketua Pegawai Eksekutif Bank Pembangunan dan Infrastruktur Malaysia Berhad.

Tan Sri Datuk Dr Aris memegang ijazah Doktor Falsafah dalam Ekonomi Pembangunan dan ijazah Sarjana dalam Ekonomi Politik, kedua-duanya dari Boston University, Massachusetts; ijazah Sarjana dalam Ekonomi Pembangunan dari Williams College, Massachusetts, USA dan ijazah Sarjana Muda Sastera (Kepujian) dalam Ekonomi Analitik dari Universiti Malaya.

Y Bhg Tan Sri Datuk Clifford Francis Herbert

Pengarah Bebas Bukan Eksekutif

Y Bhg Tan Sri Datuk Clifford Francis Herbert, warga Malaysia berusia 68 tahun, dilantik menganggotai Lembaga AMMB Holdings Berhad pada 16 April 2004. Beliau adalah Pengerusi Jawatankuasa Pengurusan Risiko Kumpulan dan juga ahli Jawatankuasa Audit dan Pemeriksaan Syarikat serta Jawatankuasa Pencalonan Kumpulan.

Y Bhg Tan Sri Datuk Clifford buat masa ini menganggotai lembaga AmlInvestment Bank Berhad, AmBank (M) Berhad, AmlIslamic Bank Berhad, Genting Malaysia Berhad dan Shell Refining Company (Federation of Malaya) Berhad.

Tan Sri Datuk Clifford menyertai Perkhidmatan Awam Malaysia pada tahun 1964 sebagai Penolong Setiausaha di Jabatan Perkhidmatan Awam dari 1964 hingga 1968. Selepas itu beliau berkhidmat di Kementerian Kewangan dari 1975 hingga ke 1997, hinggalah mengalas jawatan tertinggi dalam kerjaya awamnya sebagai Ketua Setiausaha Perbendaharaan. Beliau bersara dari perkhidmatan awam pada tahun 1997.

Semasa bertugas sebagai Ketua Setiausaha di Kementerian Kewangan, beliau turut dilantik sebagai Gabenor gantian Bank Dunia. Antara 1994 hingga 2000, Y Bhg Tan Sri Datuk Clifford merupakan Pengerusi KL International Airport Berhad yang membina Kuala Lumpur International Airport. Beliau juga pernah menjadi ahli lembaga beberapa badan berkanun dan syarikat awam berkait kerajaan seperti Kumpulan Khazanah Nasional Berhad, Malaysia Airline System, Petroliaam Nasional Berhad, Bank Negara Malaysia, Suruhanjaya Sekuriti dan Pengerusi Percetakan Nasional Malaysia Berhad. Y Bhg Tan Sri Datuk Clifford turut terlibat dalam beberapa badan NGO.

Tan Sri Datuk Clifford memegang ijazah Sarjana dalam Pentadbiran Awam dari University of Pittsburgh, USA, dan Sarjana Muda Sastera (Kepujian) Ekonomi dari Universiti Malaya.



Y Bhg Tan Sri Dato' Mohd Ibrahim Mohd Zain

Pengarah Bebas Bukan Eksekutif



Y Bhg Tan Sri Dato' Mohd Ibrahim bin Mohd Zain, warga Malaysia berusia 66 tahun, dilantik menganggotai Lembaga Pengarah AMMB Holdings Berhad pada 16 April 2004. Beliau seorang anggota Jawatankuasa Teknologi Maklumat Kumpulan.

Beliau adalah Pengarah Tamadan Bonded Warehouse Berhad.

Setelah tamat pengajian pada 1965, beliau berkhidmat sebagai pensyarah di Universiti Teknologi MARA di mana beliau kemudiannya dilantik sebagai anggota Majlis/Pengarah, jawatan yang disandanginya hingga Oktober 2006. Kerjayanya dalam bidang perbankan termasuk menjadi Ketua Pegawai Eksekutif

Amanah International Finance Berhad, Amanah Chase Merchant Bank Berhad dan Oriental Bank Berhad serta Pengerusi Bank Kerjasama Rakyat (M) Berhad. Beliau juga merupakan bekas Pengerusi dan Ketua Pegawai Eksekutif Setron (Malaysia) Berhad dan Pengerusi Pan Malaysia Industries Berhad, Bescorp Industries Berhad, Chemical Company of Malaysia Berhad, Pan Malaysia Capital Berhad, Pan Malaysia Holdings Berhad dan Kawan Food Berhad.

Tan Sri Dato' Mohd Ibrahim tamat pengajian di British Institute of Management dan Institute of Marketing di United Kingdom, dan memegang ijazah Sarjana dalam Pentadbiran Perniagaan dari University of Ohio, USA.

Y Bhg Dato' Izham Mahmud

Pengarah Bebas Bukan Eksekutif



Y Bhg Dato' Izham bin Mahmud, warga Malaysia berusia 69 tahun, dilantik menganggotai Lembaga Pengarah AMMB Holdings Berhad pada 16 Oktober 2003. Beliau berkhidmat sebagai Pengerusi Jawatankuasa Imbuhan Kumpulan dan ahli Jawatankuasa Audit dan Pemeriksaan Syarikat.

Dato' Izham merupakan Anggota Lembaga subsidiari Syarikat, AmlInvestment Bank Berhad. Pada masa ini, beliau merupakan Pengerusi Bukan Eksekutif Deleum Berhad dan kumpulan anak syarikatnya.

Dato' Izham menyertai Perbendaharaan Persekutuan pada 1965 dan berkhidmat sehingga ke tahap Pembantu Setiausaha Utama sebelum dipindahkan menjadi Pengerusi Besar Badan Pembangunan Negeri Melaka pada 1972. Kerjaya beliau dalam bidang perbankan bermula pada 1974 dengan Aseambankers Malaysia

Berhad, di mana beliau dilantik sebagai Pengurus Besar dan kemudiannya Pengarah Urusan pada 1979, sehinggalah beliau bersara. Dalam tempoh ini, beliau berkhidmat sebagai Pengarah pelbagai subsidiari Kumpulan Maybank dan Cagamas Berhad.

Selepas bersara pada tahun 1996, beliau dilantik sebagai Pengarah Delcom Services Sdn Bhd dan kemudiannya Pengerusi Eksekutif pada 2000. Beliau turut berkhidmat sebagai Pengarah RHB Capital Berhad, RHB Bank Berhad, Renong Berhad dan Opus Berhad.

Beliau memegang ijazah Sarjana Muda Sains (Kepujian) dalam Ekonomi dari Queen's University, Belfast, Ireland Utara dan ijazah Sarjana Sastera dalam Pembangunan Ekonomi dari Vanderbilt University, USA.

Profil Para Pengarah

Encik Alexander Vincent Thursby

Pengarah Bukan Bebas Bukan Eksekutif

Encik Alexander Vincent Thursby, warga Britain berusia 50 tahun, dilantik menganggotai Lembaga Pengarah AMMB Holdings Berhad pada 2 Januari 2008. Beliau kini bertugas sebagai Ketua Pegawai Eksekutif, Asia Pasifik, Eropah & Amerika, di Australia and New Zealand Banking Group Limited ("ANZ"). Beliau juga Pengarah ANZ Royal Bank (Cambodia) Ltd.

Sebelum ini, Encik Thursby merupakan Pengarah Urusan Kanan dan Ketua Kumpulan Perhubungan Pelanggan Korporat dan Institusi di Standard Chartered Bank plc ("SCB") dari pertengahan 2005 hingga 2007. Beliau berkhidmat dengan SCB dan memegang pelbagai jawatan kanan selama lebih 2 dekad, antara lain, sebagai:-

- Ketua Serantau, Perhubungan Pelanggan Korporat dan Institusi di Timur Laut Asia dan Tanah Besar China.
- CEO, UAE dan Ketua Serantau, Perbankan Korporat, Timur Tengah Asia Selatan ("MESA")

- Ketua Staf kepada CEO Kumpulan dan Pengarah Eksekutif
- Ketua Serantau, Perbankan Korporat dan Institusi serta Strategi di Afrika dan London
- Pengurus Kanan, Derivatif, Asia Tenggara, Singapura
- Pengarah Presiden ("CEO"), Standard Chartered Leasing, Indonesia

Beliau merupakan pengarah dan ahli jawatankuasa dalam beberapa syarikat SCB Group. Beliau juga merupakan Ahli Seumur Hidup, British Chamber of Commerce, Hong Kong.

Beliau memegang ijazah Sarjana Muda Pentadbiran Perniagaan dari Kuring-Gai College of Education, Sydney dan turut ke London Business School – Konsortium Perniagaan Antarabangsa, dan Insead, France – Program Pengurusan Kanan Antarabangsa.



Dr Robert John Edgar

Pengarah Bukan Bebas Bukan Eksekutif

Dr Robert John Edgar, warga Australia berumur 64 tahun, dilantik menganggotai Lembaga Pengarah AMMB Holdings Berhad pada 15 Ogos 2007. Beliau adalah ahli dalam Jawatankuasa Audit dan Pemeriksaan, Jawatankuasa Pencalonan Kumpulan, dan Jawatankuasa Imbuan Kumpulan.

Dr. Edgar ketika ini berkhidmat sebagai Pengarah Bank of Tianjin (China), Shanghai Rural Commercial Bank, NUFARM Limited, TRANSURBAN Holdings Ltd, TRANSURBAN Infrastructure Management Ltd, ASCIANO Ltd dan LINFOX ARMAGUARD Pty. Ltd. Beliau juga merupakan Pengerusi bagi Institut Putera Henry.

Dr Edgar pernah berkhidmat sebagai Timbalan Ketua Pegawai Eksekutif sebelum bersara dari Australia and New Zealand Banking Group Limited ("ANZ") pada 8 Mei 2009. Sebelum itu pula, beliau bertugas sebagai Pengarah Urusan Kanan ANZ. Di samping bertanggungjawab untuk operasi dan prestasi ANZ Group, beliau bertanggungjawab secara khusus memeterai usahasama ANZ dengan ING Group, ING Australia; Perbankan Swasta, dan Lembaga Usahasama ANZ di Asia.

Beliau juga bertanggungjawab mengetuai agenda strategik ANZ Group.

Beliau pernah menjadi Pengarah untuk beberapa syarikat dalam ANZ Group, serta Pengerusi Esanda Finance Corporation Limited, ING Australia dan ANZIB Special Asset Management Ltd, serta Pengarah di ANZ National Bank Limited (New Zealand), ANZ Royal Bank (Cambodia) Ltd, ANZ INSAGE Pty Ltd dan Metrobank Card Corporation (Filipina).

Beliau menyertai ANZ pada tahun 1984 sebagai Ahli Ekonomi Kanan. Beliau dahulunya Eksekutif Kumpulan, Perancangan dan Pembangunan Strategik, Pengurus Besar Asia Selatan di ANZ Grindlays Bank, Pengarah Urusan Esanda Finance Corporation Limited (anak syarikat kewangan milik penuh ANZ), Pengarah Urusan Perbankan Korporat dan Institusi serta Pengarah Urusan, Institutional Financial Services, ANZ.

Beliau memegang ijazah Sarjana Muda dalam Ekonomi (Kepujian) dari University of Adelaide, Australia, dan PhD dari Ohio State University, USA.





Encik Mark David Whelan

Pengarah Bukan Bebas Bukan Eksekutif

Encik Mark David Whelan, warga Australia berusia 50 tahun, dilantik menganggotai Lembaga Pengarah AMMB Holdings Berhad pada 2 Januari 2009. Beliau menganggotai Jawatankuasa Pengurusan Risiko Kumpulan.

Beliau kini berkhidmat sebagai Pengarah Urusan, Institusi dan Komersil, Asia Pasifik, Eropah dan Amerika, di Australia and New Zealand Banking Group Limited ("ANZ").

Encik Whelan bertanggungjawab ke atas semua produk and perkhidmatan korporat dan institusi kewangan ANZ di rantau Asia Pasifik, Eropah dan Amerika.

Antara tugasnya termasuk Perbankan Perhubungan, Peminjaman Khusus, Pasaran, dan Transaksi Perbankan di seluruh rantau.

Encik Whelan menyertai ANZ pada November 2004 sebagai Ketua Jualan dan Pasaran, dan seterusnya sebagai

Pengarah Urusan Bersama Pasaran. Sebelum itu beliau memegang pelbagai jawatan kanan di Westpac Bank, termasuk Pengurus Besar, Jualan Pelabur Global dan Pengurus Besar, Perbankan Institusi, Victoria. Sebelum menyertai Westpac Bank, Encik Whelan berkerja di Citibank dan Caterpillar.

Encik Whelan memegang Diploma Graduan dalam Percukaian dan Diploma Perakaunan dari Royal Melbourne Institute of Technology.

Encik Whelan juga seorang Fellow dalam Pertubuhan Akauntan Berkanun Aktif serta anggota Financial Treasury Association Limited dan Persatuan Pasaran Kewangan Australia, serta Institut Pengarah Syarikat Australia.



Encik Cheah Tek Kuang

Pengarah Urusan Kumpulan

Encik Cheah Tek Kuang, warganegara Malaysia, berumur 63 tahun, dilantik menganggotai Lembaga Pengarah AMMB Holdings Berhad pada 14 Januari 1994 dan pada masa ini berkhidmat sebagai Pengarah Urusan Kumpulan bagi Syarikat. Beliau juga merupakan Ahli Jawatankuasa Teknologi Maklumat Kumpulan.

Beliau menyertai AmlInvestment Bank Berhad ("AmlInvestment Bank") pada 1978 dan menyandang pelbagai jawatan kanan. Pada tahun 1994, beliau dinaikkan pangkat menjadi Pengarah Urusan dan menyandang jawatan Pengarah Urusan Kumpulan bagi AmlInvestment Bank dari Januari 2002 hingga Disember 2004 sebelum mengambil alih tugas sebagai Pengarah Urusan Kumpulan bagi AMMB Holdings Berhad. Beliau kekal menyandang jawatan Pengarah Bukan Bebas Bukan Eksekutif di AmlInvestment Bank.

Beliau turut menyandang jawatan Pengarah dalam beberapa subsidiari Syarikat, termasuk AmBank (M) Berhad ("AmBank"), AmlIslamic Bank Berhad, AmLife Insurance Berhad, AmG Insurance Berhad dan AmlInvestment Group Berhad. Beliau juga merupakan Ketua Pegawai Eksekutif AmBank. Selain itu, beliau memegang jawatan Pengarah di Bursa Malaysia Berhad dan Cagamas Berhad. Beliau merupakan Anggota Panel Pelaburan bagi Lembaga Kumpulan Wang Persaraan (Diperbadankan). Pada masa ini beliau turut berkhidmat sebagai Ahli Jawatankuasa bagi Persatuan Bank-Bank Malaysia dan merupakan Pengerusi Gantian Persatuan Perbankan Pelaburan Malaysia.

Encik Cheah memegang ijazah Sarjana Muda dalam Ekonomi (Kepujian) dari Universiti Malaya dan merupakan Fellow di Institut Jurubank Malaysia

Profil Para Pengarah

Encik Soo Kim Wai

Pengarah Bukan Bebas Bukan Eksekutif



Encik Soo Kim Wai, warga Malaysia berusia 49 tahun, dilantik menganggotai Lembaga Pengarah AMMB Holdings Berhad pada 4 Oktober 2002. Beliau juga merupakan ahli Jawatankuasa Imbuhan Syarikat.

Kini, beliau ialah Pengarah Urusan Kumpulan Amcorp Group Berhad. Encik Soo menyertai Amcorp Group Berhad pada 1989 sebagai Pengurus Kanan Kewangan dan telah menyandang pelbagai jawatan sebelum dilantik menyandang jawatannya sekarang. Sebelum itu, beliau berkhidmat dengan Plantation Agencies Sdn Bhd dari 1985 hingga 1989, dan berkecimpung dalam profesion perakaunan selama lima tahun dengan Deloitte KassimChan dari 1980 hingga 1985.

Beliau turut menganggotai Lembaga Pengarah RCE Capital Berhad, MCM Technologies Berhad, AmProperty Trust Management Berhad dan AMDB Berhad. Beliau menyandang beberapa jawatan pengarah dalam syarikat sendirian berhad lain.

Encik Soo seorang Akauntan Berkanun (Institut Akauntan Malaysia), seorang Akauntan Awam Berkanun (Institut Akauntan Awam Bertauliah Malaysia) dan Fellow dalam Certified Practising Accountant ("CPA"), Australia dan Association of Chartered Certified Accountants ("ACCA"), United Kingdom.

Encik Wayne Hugh Stevenson

(Pengarah Silih Ganti kepada Encik Alexander Vincent Thursby, Dr Robert John Edgar dan Encik Mark David Whelan)



Encik Wayne Hugh Stevenson, warga New Zealand berusia 51 tahun, dilantik Pengarah Silih Ganti kepada Encik Alexander Vincent Thursby, Dr Robert John Edgar dan Encik Mark David Whelan.

Beliau ketika ini berkhidmat sebagai Ketua Pegawai Kewangan, Asia Pasifik, Eropah dan Amerika, di Australia and New Zealand Banking Group Limited ("ANZ").

Encik Stevenson bertanggungjawab ke atas pengurusan dan laporan kewangan operasi ANZ di 26 buah negara diluar Australia dan New Zealand, termasuk pelaburan perkongsian ANZ di Asia.

Beliau Pengerusi ANZ Vientiane Commercial Bank di Laos & ANZ/V-TRAC Leasing Company serta memegang status Pengarah di ANZ Superannuation Board, ANZ Royal Bank di Cambodia, ANZ Vietnam Ltd dan United Cambodia Land Company Ltd.

Encik Stevenson mempunyai lebih 30 tahun pengalaman dalam bidang perbankan di New Zealand dan Australia serta di serata rantau Asia Pasifik. Beliau menyertai ANZ pada tahun 1989 sebagai Pengurus Kanan Audit Runcit. Sebelum menyertai ANZ, Encik Stevenson berkhidmat sebagai Ketua Juruaudit Dalaman di Post Office Bank Limited, Wellington, New Zealand. Semasa bertugas untuk ANZ dan sebelum dilantik sebagai Ketua Pegawai Kewangan, Asia Pasifik Eropah dan Amerika, Encik Stevenson merupakan Ketua Pegawai Kewangan di Bahagian Perbankan Pelaburan, Perbankan Peribadi dan Pengurusan Kekayaan ANZ Investment Bank, serta operasi Perkongsian Antarabangsanya.

Encik Stevenson adalah seorang Akauntan Berkanun Bersekutu (New Zealand) (1983) dan memegang Sarjana Muda Perdagangan (Perakaunan), Canterbury University (1980).

Informasi Tambahan:

Tiada mana-mana Pengarah mempunyai hubungan kekeluargaan dengan Pengarah lain atau pemegang saham terbesar Syarikat, selain yang dinyatakan di sini.

Y Bhg Tan Sri Azman Hashim dan Y Bhg Dato' Azlan Hashim adalah adik-beradik.

Y Bhg Tan Sri Azman Hashim merupakan Pengerusi Eksekutif dan pemegang saham terbesar Amcorp Group Berhad ("Amcorp"), yang merupakan pemegang saham terbesar AMMB Holdings Berhad. Y Bhg Tan Sri Azman Hashim adalah seorang pengarah bagi Clear Goal Sdn Bhd, syarikat milik keluarganya yang dianggap sebagai pemegang saham terbesar AMMB Holdings Berhad menerusi kepentingannya dalam Amcorp.

Encik Soo Kim Wai adalah Pengarah Urusan Kumpulan Amcorp yang merupakan pemegang saham terbesar AMMB Holdings Berhad.

Tiada mana-mana Pengarah disabitkan dengan kesalahan sepanjang 10 tahun yang lepas. Tiada mana-mana Pengarah mempunyai konflik kepentingan dengan Syarikat selain yang diumumkan atau dinyatakan dalam Nota 40 Penyata Kewangan di bawah "Baki dan Urusniaga Penting Dengan Pihak-pihak Berkaitan".